

## Terms and Conditions

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

### Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

### Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100

**A**ch dē tod  
iosue dy sun  
israhel ratz fragten  
den herren. sagend.  
wer wirt vor vns auf  
geen wider chanane  
um. vnd wirt ein fü  
rer des streytz. vnd d

herz sprach. Judas der steyg auff. Sih ich hab  
geantwurt das land in sein hand. Und iudas  
sprach zu symeon seinez bruder. steyg auff mit  
mir in meinez lōf. vnd streyt wiß chananeum. das  
auch ich gee mit dir in deinem lōf. vnd symeon  
gieng mit im. vnd iudas styg auff. vnd der herz  
antwurt chananeum. vnd pherezeum. in ir hēnd  
vnd sie schlugen in besech. x. tausent mann. vnd  
funden adonibesech in besech. vnd stritten wiß  
in. vnd schlugen chananeum. vñ pherezeū. Aber  
adonibesech der floh. den begriffen sye durch/  
achtend vnd harrete im ab. die übersten teyl der  
hēnd vñ der füße. Und adonibesech sprach.  
Sybentzig künigen hab ich ab geharven den  
übersten teyl der hēnde. vnd füsse. vnd die las  
sen die überbeleybungen der speyß vnder meim  
tisch. als ich hab gethan also hatt mir wiß gol  
ten der herz. vnd sie fürtēn in zu iherusalem. vñ  
do starb er. Darumb die sun iuda vmblegten  
iherusalem. vnd gewunnen sie. vnd schlugen sie  
in dem mund des schwerts. vnd antwurten dye  
gantzen statt dem brandt. Darnach stygen sye  
ab vñ strytten wider chananeum. der do wonet  
an den bergen vnd gegen mittag vnd in den re  
den. Und iudas gieng gege chananeum der do  
wonet in ebron. der naz. was vō alster cariathazar  
be. vnd schlug syzai. vnd haymam. vnd tholmai.  
Darnach gieng er auf vnd gieng zu den ynw  
nern dabir. d was ein alster nam cariathsepher.  
Das ist ein stat d Buchstaben. vñ caleph sprach  
der do schlecht cariathsepher. vnd verwüst sie.  
Ich gib im axam mein tochter zu einem weyb.  
Und do sie het gewunnen othomiel der sun ces  
nez der jünger bruder caleph. er gabe im axam  
sein tochter zu ein weyb. Do sie giengen an dē  
weg. Ir manētē sie d̄ sie hyesch dē acker vō  
irem vater. Do sie saß auff dē esel sie erseuftzet.  
caleph der sprach zu ir. W̄z wilstu. Sie antwurt  
Gib mir den segen. wan̄ du hast mir gegebē d̄  
dūrland. gib mir auch das feucht mit wasser.  
Darumb caleph gab ir die feuchten erden obē

vnd nyden. Aber die sun cynei. die freundt moy  
si die stygen auff von der statt der palmen mit  
den sunen iuda. in die wüst irs loses. die do ist  
zu mittentag arath vnd wonten bey im. Aber  
iudas gieng ab mit symeon seinem bruder vnd  
schluge mit einander chananeum. der do wonet  
in sephat vnd erschlugen in. Und der nam der  
statt. ward genēt horma das ist ein fluch. vñ  
iudas gewan gazam mit iren enden. vnd ascha  
lon vnd accaron mit iren zylen. vnd d̄ herz was  
mit iuda vnd besah die berg. Er mocht nit ver  
tylgen dy ynwoner des tales. wan sy ware über  
flüssig in beschlagen wegen. vnd sye gaben ca  
leph. ebron. als moyses het gesagt. der vertylget  
auf ir die drey sun enach. Aber iebuseum. dē yn  
woner iherusalem. vertylgten nit die sun benia  
min. vnd iebuseus d̄ wonet in iherusalem mit dē  
sunen beniamin. vntz an disen gegenwärtigen  
tag. vnd das hauf ioseph styg auff in bethel. vñ  
der herz was mit im. wan̄ do sie hetten vmbles  
get die statt. die vor hett geheyffen lusa. sye sat  
hen eine man̄ aufgeen von der statt. vñ sprachē  
zu im. Zayg vns den eingang der statt. vnd wir  
thūn die erbermbde mit dir. Do er in het gezay  
get. sy schlugen die stat in dē mūd des schwertz  
Aber den menschen vñ alles sein geschlecht ließ  
sien sie. Do er ward gelassen do gieng er ab vñ  
das land ethym. vñ barvet do ein stat. die hyesch  
er lusam. die wirt also genant vntz an disen ges  
genwärtige tag. vñ manasses vertylgt nit beth  
san. vñ chanath mit iren dorffern. vnd die ynw  
nner dor. vñ ieblaan. vnd mageddo mit iren dor  
fern. vñ Chananeus begund zuwonnen bey in.  
Dach dē aber israhel gestrekt ward do mach  
et er sie zinsper vnd wollt sie nit vertylgen. Auch  
effraym erschlug nit chananeum der do wonet  
in gazer. aber er wonet bey im. Zabulon vertyl  
get nicht die ynwoner thetron. vnd naalen. aber  
chananeus wonet in seiner mitt. vnd ward i zyns  
per. Und azer vertylget nit die ynwoner acho.  
vnd sydon. vnd alab. vnd achazyb. vnd amma.  
vnd aphech. vnd roob. aber er wonet in der mitt  
chananei des ynwonders des lands. vñ erschlug  
in mit. Leptalm vertylget nit die ynwoner bet  
semes. vnd bethanath. vnd wonet zwischen cha  
naneum dem ynwonder des lands. vnd dy  
bethsemither. vnd dy bethaniter wurden im  
zynsper. Und amorreus zwang die sun dan  
an dem berg. er gab yne nicht dyte statt das